

# Inselischtrolch

1933.

Mel.: Juceidi, Juceida.

1. I schtand do vor em Mikrophon,  
Wo wyter laite soll dr Ton,  
Es isch e Kraiss und drinn e Schpinn,  
Wil aa am Radio Schpinner sin!
2. In dr Heererviertelschtund,  
Do macht me mit em Heerer Schund,  
Do lose-n-Alli und schpitze d'Ohre,  
Dr Schprecher denggt: Lago Maggiore!
3. 's Schpaletor isch jetz bikannt,  
Als Domreeslischloss im ganze Land.  
Drinn schloßt - o Herrgottsakerment -  
's ganz Basler Schtraudepartement!
4. Am Riechering dert isch e Platz,  
Als Isbahn isch er zwor fir d'Katz,  
Wil sie dert maischtens wässere tien,  
Wenn d'Sunne schynt und Bliemli bliehn!
5. E jede Platz isch intressant,  
Wie uff der Mäss e Moggeschand.  
Verkehrsvorschrifte gif's wie g'haglet,  
Sogar no d'Milchschtross wird vernaglet!
6. Uus där Theatersubvention,  
Gif's jetz e grossi Schaatsaktion,  
E Mänge sie nur nit empfielt,  
Wil er doch nie kai Rolle schpielt!
7. Im grosse Rot do isch e Jubel,  
Die greeschti Fraid het jede Dubel,  
E Tail isch's Augewasser ko:  
Dr Bodemännli blybt doch do!
8. Triffsch z'Nacht e nätti Zutze-n-a  
Und frogsch sie, ob sie nyt miess ha,  
Sie sait kai Wertli, was sie will,  
Sie macht ganz aifach's Jo-jo Schpiel!
9. Zwa Brunnetreeg sin intressant,  
Me rutscht sie uff em Märtpplatz umenand,  
Bym Basler bruschf's halt ziemlig viel,  
Bis er weiss wo-n-er e Brunne mache will!

**Kemme-n-Alli an Schlussobe vo de Comité-  
Schnitzelbängg!**